



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia Catholica, Hoc Est Christianae Fidei, Qvam Ad
Salvtem Animarvm Aviti Avgvstae Domvs Saxonicae
Principes, Reges, & Imperatores coluerunt, Gloriosa
Confessio**

Cutsemius, Petrus

Coloniae Agrippinae, 1621

Henricvs VI.

urn:nbn:de:hbz:466:1-11884

HENRICVS VI.

FRIDERICO I. primogenitus filius Henricus, dictus VI. Rex in Imperio successit, patris vt apparet ex appendice Ottonis Frising. de S. Blasio cap 21. potius institutione, quam legitimâ Principum Electione. Sic enim ait: *liberosque suos omnes literis apprimè erudiri faciens, eos facultatibus reddituum, excellentijs dignitatum per sortitas prouincias delegaliter sublimauit: Et post mox: Henricum, inquit, qui prior natu erat Regem post se designauit. Quod vt cum pace, & gratia omnium Procerum Regni factum videretur, & ratum haberetur, Anno, inquit, iste author, 1184. Fridericus Imperator sedatis in Germania cunctis bellorum turbibus, generalem curiam cunctis Regni Optimatibus in Pentecoste apud Moguntiam edixit: ibique filios suos Henricum scilicet Regem, & Fridericum Sueuorum Ducem gladio accingi, armisque insigniri disposuit. Ad hanc curiam totius Imperij Principes vtpote Franconum, Teutonicorum, Sueuorum, Italicorum ab Illyrico vsque ad Hispanias congregantur. Et ad finem capitis: feria secunda celebratis manè Missarum solennijs filij Imperatoris Henricus Rex, & Fridericus Dux armis præcincti, militarique palastra exercitati militia cingulum sumpserunt, tractatisque diuersis Imperij*

ab imperatore negotijs, quarto die ad propria cum gaudio recesserunt. Quid verò hic Henricus, taliter à patre Rex designatus, & publicè armatus? Anno, inquit idem author 1190. Filius FridERICI Imperatoris Henricus Rex contracto exercitu Alpes transcendens Italiam ingreditur, indeque ad urbem tendens à Cælestino Papa gloriôsè susceptus, ab eoque omnium Romanorum favore unà cum Coniuge in die SANCTO PASCHAE coronatus IMPERATORIS & AVGVSTI nomen nonagesimus quintus ab Augusto sortitur. Hunc favorem Romanorum avaritia eorum maximis muneribus satisfaciens promeruit, & addit: Imperium in hoc non mediocriter debonestavit. Urspergensis in Chron. ad an. 1191. quo regnare cœpit Henricus, prius tamen, inquit, à Patre Rex designatus fuerat, & de consensu Principum coronam Aquisgrani acceperat.

PHILIPPVS.

MORTVO Henrico VI. contigit in Imperio schisma per discordem Regni procerum electionem, aliorum Philippum, Frederici Barbarossæ filium, aliorum verò Ottonem, Henrici Leonis Ducis Brunsvicensis filium eligentium. Historiam describit in Chronico Hirsaugiensi ad ann. 1199. scriptor